

ИВАН ВАВИЛИН

**МУВЬІВ**  
**КОДЗУВЪЯС**



U. G. G. G.

ИВАН ВАВИЛИН

МУВЬИВ

КОДЗУВЪЯС

КЫВБУРЪЯС ДА ПОЭМА

КОМИ КНИЖНОЙ ИЗДАТЕЛЬСТВО  
СЫКТЫВКАР · 1965

С  
В12

*Иван Михайлович Вавилин*

**ЗЕМНЫЕ ЗВЕЗДЫ**

стихотворения и поэма на коми языке

Художник *С. Холопов.*


Редактор *С. Морозов*  
Корректор *Р. Соколова.*

Техн. редактор *А. Вишнева*  
Худ. редактор *М. Безносков*

Сдано в набор 22|VI-1965 г. Подп. к печати—7|IX-65 г. 70×92<sup>1</sup>/<sub>32</sub>==  
1,0 бум. л., 2,34 печ. л. (Уч.-изд. л. 1,89) Тираж 2000 экз. Заказ № 3263  
Цена 9 коп. Ц01253. Коми книжное издательство, Дом печати

\*\*\*

г. Сыктывкар, Республиканская типография Управления по печати



## МОРӨС ТЫРӨН ЛОЛАВ, ПАРМА

Морөс тырөн лолав, парма,  
Югыд виис тәнсьыд вой.  
Тэысь джуджыдөсь выль каръяс —  
Збыльөн лоис мича мойд.

Тувсов войын быттьö ичмонь:  
Лыяс пырыд төдчö вем.  
Партиясянь төждлун вичмис,  
Коді тырмас тэнад нэм.

Көть и озырлуныд тэнад  
Паськыд морөсад оз төр,  
Мыйтөм сьökыдсö ми венім,—  
Төдö өтнас пемыд вөр.

Коркө-й югыд шонді петіс,  
Ыджыд шонді — гөрд Октябрь.  
Ленин ставлы кисö сетіс,  
Коді вöлі жеб да слаб.

Партияным ловсö пуктис,  
Сывдис нэмся кынсö тась:  
Из шом пластьясудкөд чуктис  
Миян шудлөн ыджыд пласт.

Няньтöм вояслысь тшыг вомсö  
Тупкис озыр урожай.  
Вöрным кывтö помтöг-помтöг,  
Сöвмö, ёнмö Коми край.

Рочьяскöд ми кузь туй вуджим,  
Тышын öтув кисьтим вир.  
Накöд талун кыпыд уджөн  
Доръям Ленинлысь выль мир.

Ставсьыс партиялы слава,  
Слава уна-уна нэм.  
Дзордзав, миян том держава,  
Ыджыд слава, ыджыд слава  
Нэмъяс кезлö снам тэн!

## КУИМА КОДЗУВ

Кодзульд, шуоны, уна.  
Уна-ө ставыс — ог төд.  
Өні ме му вывті муна,  
Шызьөдны найөс ог мөд.

Уна созвездьяс эмөсь,  
Шуоны, эм Орион.  
Налы — көть помасяс нэмөй —  
Сетны ме ог сяммы дон.

Вөйпны, дерт, ог кут ме найөс,  
Век жө вот, шуны кө сідз,  
Югзьөмныс некор оз сайөд  
Муыв созвездьельсь мич.

Төдө созвездьесө тайөс,  
Сьөлөмнас кылө став мир.  
Миянлы шудлунсө вайө  
Куима кодзувлөн дзирд.

Сійө пыр вильмөдө мусө,  
Югьдлысь паськөдө от.  
Куима кодзувнас шусьө:  
Партия, Ленин, Народ.

## СЪЕЗДЪЯСЛӨН ДВОРЕЦЫН

Тан воссис Партиялөн съезд.  
И кызди первой делегатос,  
Быд гырысь кар, вөрпөвстса грезд  
Ас думнас Сійос лыддис татысь.

Да! Сійө тан. Өд Сылөн мог  
Став йөзос Коммунизмө нуны.  
Кызд тэчны аски оланног,  
Тшөтш колө Сылы кыв-мөд шуны.

Дыр видзөдіс зэв гөгөрбок  
И бытьө ставлы кывмөн шуис:  
Дас морта марксистскөй кружок  
Со кутшөм вынөдз, другъяс, туис!

Йөз пөвстті ветлө Сылөн син,  
Погона войтыр вылө дзоргө,  
Ружьеа морт — Иван Шадрин  
Эз пукав тан. А вөвлі коркө.

Не шадринъяс кө, кольөм кад  
Эз воськовт татчөдз,— төдө Сійө,—  
И космос венысь делегат  
Мандат эз босьтлы аслас киө.



И Сійö таи съезд мунігчöж  
Пыр сетіс сьöлöм:— Сяммам, сяммам!  
И примитіс став йöзкöд тшöтш  
ҚПСС-лысь выль Програма.

А сэсся Сійö нюмдіс сідз,  
Выль сьöкыдлуньяс быттьö веніс.  
Тадз сöмын нюмъявліс Ильич..  
Да тайö жö öд вöлі Ленин!

## ЛЕНИНЛЫ ПАМЯТНИК

Вөвлөмтөр

Уна мойдлісны тэныд да мен да,  
Мойдъяс кывзігөн мытшасьліс лов...  
Тайё, шуоны, абу легенда —  
Проста сьёлөмын өнөдз оз ов.  
Тайёс он вөтлы өдзөсьяс сайё,  
Уна воёс көть кольёдас кад,  
Висьтсё йёз муысь вайис көть тайёс  
Ыджыд вермөмөн локтысь салдат.  
Немеч му вылын каръясыд уна,  
Сөмын Эйслебен нэм чөж оз вун.  
Сэтысь уна лун век кежлө мунас,—  
Сөмын медьюгыд луныс оз мун.  
Мирысь гаж бырлі не сөмын мортлөн —  
Муыс чиктылө, нюмъялө ва.  
Тайё карёдыс мөдөдчис гортлань  
Биын ёнмөм советскöй войска.  
Йёзыс шензисны: рочыд пө ён на,  
Аддзад, восьлалө кызди герой!?  
Сэк жө дрөгмуни ставнас колонна,  
Плөщадь пасьтала юрөбтіс:— Стой!  
Кызкө виччысьтөг петкөдчис сэни

Бронза памятник. Ас муын кодь.  
 Постамент вылын сулалё Ленин,  
 Ыджыд подвигсё донъялё вождь.  
 Эз ков сысянь ни миянсянь паспорт —  
 Ота-мөднымөс тодам өд ми!  
 Дона Лениным медся на ас морт,  
 Быд салдат миян — ас мулөн пи.  
 Кисё өтисё суйёма зептас,  
 Лэптём мөд кисё увлань оз лэдз:  
 Вот-вот, ещө на вылөджык лэптас —  
 Дасьтысь кывзыны Ленинлысь речь!  
 — Ноко, знамяяс копыртöй, ёртьяс!  
 Тані сулалё медыджыд ёрт.  
 Сійö миянөс вайөдіс мортас,  
 Некор кувлытём-бырлытём морт...  
 Думыс юраным сёыд, дерт, воліс:  
 «Кызди Лениным петкөдчис тан?»  
 Сэтчөс йөз пөвстысь медваров олысь  
 Шуис:— Ленинөс аддзис Иван,  
 Коді повтөг фашистьяслы паныд  
 Петлём тыш вылө, нуөдлём кось.  
 Сэсса ранитчөм ёна Иваныд —  
 Мөд ног, дерт, сійөс пленад он босьт.  
 Миян караным, гашкө-й, он төдöй,  
 Вөлі көрт сывдан ыджыд завод.  
 Мортыд вөйтөгыс вөлі сэн пөдө,  
 Вөлі ютөгыс шатлалө, код.  
 Кызд нө сьөлөмыд таысь оз топав,  
 Кодыр грөз вывті ветлөдлө грөз?  
 Шулім: пиянтө дорйы, Европа!  
 Эм и немечьяс пөвстын бур йөз.  
 Бур кө сьөлөмыд, юрид оз янав:  
 Тайö тадзи и вөвлөма век.  
 Тані мырсисны тшөтш англичана

И французяс, полякяс и чех.  
Тані, караным, сывдлісны выльысь  
Быд кӱрт торпыриг, пушкалысь шой.  
Помся поездӱн став фронтяс вылысь  
Найӱс вайисны быд лун, быд вой.  
Ӳтчыд Ванюшыд кыскаліс лунтыр  
Мессершмидтгяслысь чеггясьюм борд.  
«Ӳні мый шуан, вечиктӱм гундыр?»—  
Бордгяс нуигӱн шуліс том морт.  
«Бура нӱйтӱны, сідзкӱ, фашистӱс!  
Сідзкӱ, делӱным важ серти бур..  
Бусӱдз жугӱдлӱй, пазӱдлӱй, кисьтӱй!  
Татчӱ ваянтор медым эз сюр».  
Сэсся мыччысис борд шойяс костысь  
Бронза статуя.. «Ленин! Ильич!»  
Зонмӱс тӱдлытӱг йирмӱгыс босьтіс,  
Сьӱлӱм некор на эз тіпкыв сідз.  
Кӱть и сингясыс вӱліны мудзӱс,  
Наын югнитіс вӱвлытӱм би.  
Пыр жӱ чукӱстіс орчча французӱс:  
— Ноко, матыстчыв татчӱ, Анри!  
Сійӱ видзӱдліс статуя вылӱ,  
Сэсся Ванюшлань веськӱдіс син.  
Бӱргья слог вылас личкӱмӱн сылӱн  
Кызкӱ аслыс ног артмис:— Ле-нин!  
Быдӱн тӱдісны Ленинӱс, быдӱн:  
Англичанин и чех, и поляк.  
Кӱть и скӱрлунныс дзебсьӱма пыдӱ —  
Коркӱ-й ортсысь на аддзылас враг!  
«Бронза статуя гусялід, шышгьяс!»—  
Скӱрлун Ванюшлысь вӱлӱн он ну.—  
«Тіян киясысь Лениныд пышгьяс,  
Сылӱн чужан му — Ыджыд роч му!»  
Сэсся висгьяліс кинас и кокнас:

— Сывдны статуя некыдз оз позь!  
 Юрнас пыркөдиг лагерса вокьяс,  
 Быдөн шуисны:— Оз позь дай оз!..  
 — Шнеллер! Өдйөджык! Мый сәни узяд?—  
 Горзис мыш сайын стрөг часөвөй.  
 Пленнөй аслыс моз ёрччыштіс кузя:  
 «Некыт оз сотчы, некод оз вөй!»  
 Қовмис Ленинөс пыртны заводө.  
 Сәни, пытшкөсас постыс эз вөв.  
 Мастер горөдіс:— Пөрйөдлад кодөс'  
 Көртсө позис нин вайны сө пөв!  
 Тайө немечыс, дзор юра Юнге,  
 Мөдысь стрөжитіс:— Кыдзи нө тадэ!—  
 Дөзмөм гөлөсыс ыргөн моз брунгө,—  
 Аддзад, уджавтөг сулалө пач?  
 «Босьтны статуя видлас мед сөмын!—  
 Водзвыв кабырсө гөрддзис Иван.—  
 Кык юр өтиысь вөчас кө лөмыс —  
 Сәки вөлисти делөсө пан!»  
 Юнге матыстчис статуя дорө  
 Дзоргис-видзөдіс, нинөм эз шу.  
 Өдйө кыптивліс-лэччывліс морөс,  
 Воши-сайкалі скөралан ру.  
 Тадзи чужөмыс эз вежсьыв ньөтчыд.  
 Сійөс татшөмнас некод оз төд.  
 Розьөдз сотчалөм кепкасө пөрччис,  
 Сэссия сулаліс сідзи здук-мөд.  
 — Мый нө чуйминныд? Петкөдам дворө!  
 Лоас ме ордын меддона гөсть...  
 Ставлөн сөдзтысис синьясныс дорө  
 Мыйкө югыдтор — шуда и пөсь.  
 Кык во Ленинкөд орчбөн сәни оліс  
 Сыөн радейтан медвына класс.  
 Юнге сы дорө быд лун дзик воліс...

Сэссия-й кучкис Победалён час.  
— Ёртгьяс! Мёд войсö бурджыка шойччöй.  
Тавой зэв ыджыд вöчантор эм...  
Петис Юнгекöд комын рабочöй.  
— Атгö тiянлы! Помнита нэм.  
Тувсов войыд кöть дженьыдсыйс-дженъыд,  
Уджтö вöчысьлөн кийс оз пов.  
Постамент вылö кыпöдчис Ленин,  
Ставлъсь ас бöрсыйс кыпöдис лов.  
Кисö öтисö сүйöма зептас,  
Лэптöм мёд кисö увлань оз лэдз.  
Вот-вот, ещö на вылöджык лэптас —  
Дасьтысь кывзыны Ленинлысь речь!

## АС МУ ЙЫЛЫСЬ

Важысянь нин сьывсьö сідзи:  
Чужан муыд абу ичинь,  
Сылөн борд улас и сьывъяс —  
Асшөр пиян, асшөр нывъяс.

Лэдзлөй мен, көть абу сьылысь,  
Кыв-мөд шуны ас му йылысь.  
Окота тшөтш йөзлы кывмөн  
Ас му йылысь шуны кыв-мөд.

Ме өд сыөн быдтөм пи жö,  
Паспорт вылө сідзи-й гижөм.  
Чужанінöй — вöра керöс —  
Ставнас пырö СССР-ö.

Сідзкө-й менам тшөтш жö пай эм  
Кыв-мөдсö мед шуны тайöс,  
Ас му йывсьыд — оз ков корöм —  
Ставлөн аслас шуантор эм.

Рөдинаöй ичöt дырйи  
Менам вöвлі Лөкчим кырйын.  
Кор нин тырис дас вит арöс —  
Паськаліс тай Сыктывкарөдз.

Сэксянь чужан му век ыдждіс,  
Петіс ортсö парма пытшкысь.  
Сэссия-й коркö, öти кадö  
Шылькнитчис нин Ленинградöдз.

Кодыр муні чим веж ягысь  
Нöйтны Рöдиналысь врагöс,  
Сэки помсö чужан мулысь  
Аддзи Прут дорса Кагулысь.

Сэк жö чужанінсянь ылын  
Сылысь бурлун выль ног кылі:  
Верми кö, ме эськö сійöс  
Босьті аслам сьöлөм пиö.

Сійö-й ачыс абу кольчöм,  
Кылö лов шыыс дзик орччөн:  
Тшыг кö — мыйöнкö да вердас  
Кынман — шонтас морöс бердас.

Огö, некор огö сійöс,  
Огö сетöй лёк йöз киö!  
Тöдам: няня степъяс миян,  
Ылысса Курильскöй діяс,  
Тшöтш и менам вöра керöс  
Лоасны век СССР-өн!





Оз косьö пыр. Удж вöчны кийс лудö,  
Весь олöм сылы — смертысь мустöмтор,  
Йöз кийсь нянь оз мырдды ни оз кор,  
А юксьö ачыс эмторйөн и шудён.

Быд гöстылы паньд ылысянь на петö,  
Сы воигкежлö дасьтöма нянь-сов,  
Да ещö эм бур сьёлöм да пöсь лов,  
Вот сöмын тшаплун енмыс абу сетöм.

Лёнъ оласа, а, нинöм шуны, ён öд!  
Эн локтöй некор лёкөн, лыйсигтыр.  
Öд сэтшöмъяссö скöрмöм багатыр  
Эз этшаöс нин аслас нэмын клёнöд.

Мед вөрөгъяслөн сьёлöм лöгла измö:  
Кор шондiа, не вöчны налы вой.  
А менам тайö кывбурса герой  
Оз видзöд бөрö, муно коммунизмö.

И мунас! Венас бушков и рöспута!  
Öд сылы тайö абу первой туй.  
Кöть кутшöм палич кöлесаас суй,  
Кыз шусьö, мунысь морттö этша кутан!  
Да-й муносö оз кодкö öтка морт,  
А вөрзис дзоньнас менам став народ.

## КОЛЬӨМ ВОЛЫ

Ставлы өтдона он ло:  
Мирын олөны миллионъяс.  
Тэсө, кыдзи көть он донъяв,—  
Век жө вөлін зэв бур во.

Унзілгыдла син эн тіль,  
Буд лун вөлін яр да збодер.  
Збылгысь, эг аддзгв тэ кодьос,  
Йөзгысь-мортгысь вөлін зіль.

Дзор историялгысь пос  
Гыргысь тшупөдгысөн пасйин.  
Йөзсгысь оз ло яндзим аслыд,  
Сө во мысти көть бөр кос.

Дерт, не косавны нин тэд.  
Сөмын кад көть кыдз оз ылыст,  
Некор, некор дзык тэ йыдысь  
Лөк кыв шуысь тан оз пет.

## СПУТНИКЪЯС

Шы ни төв приёмник дорын  
Став семьяөн олім сёрөдз.  
Сэсса кылім: «У... у... у...  
Кывзы менө, кывзы, Му!»  
Нюмдіс пөльө: «Кылам, кылам.  
Дзоля төлысь, олан-вылан!»  
Синмыс вазыштөма пөльлөн:  
— Кызь во кыскалі ме гөльлун.  
Сьökыд, нем кө абу нопъяд!  
Сиктса озыръяс да попъяс  
Пычкылісны бөръя войтөдз.  
Зептын шутьлявліс лөк вой төв.  
Шог да нартлун — кык лөк спутник —  
Скупөсь! Нянь тортө оз юкны.  
Дыр ме, пиян, ветлі накөд,  
Дзикөдз топөдлісны пакөс.  
Кольліс сөмын водны гортйө,  
Сөмын аддзыси бур морткөд.  
Мортыс сійө меным шуис:  
«Абу тайө миян туйыс...»  
Петім ськөд мөд туй ыльө,  
Коді нуө ылө-ылө!  
Ставсө, мый ми вөчлім киөн,

Озыръяслысь мырддим сійӧс.  
Тышын сыкӧд виим шогӧс,  
Локтіс шудным — лоис вокӧн,  
Тшӧктіс асьыс кисӧ кутны,  
Ме пӧ тiян вечнӧй спутник..  
Ӧні спутникъясным уна,  
Ӧтыв кодьяскӧд ми мунам.  
— Стӧчджыка тэ висътав, пӧльӧ,  
Коді тайӧ мортис вӧлі?  
— Мыйӧн тӧда. Ним эз висътав.  
Шуис асьсӧ коммунистӧн.  
Чайта, буретш сійӧ-й вӧлі,  
Коді вӧчис дзоля тӧлысь.

## МЫЙОН МИ ВЫНАОСЬ

Кодкө Раклөн тропик весьтын  
Овліс тшыг и овліс пестөг —  
Тышлысь бипур ськөд пестім.

Тайө негр — медшоныдінас —  
Тірзис, некытчө эз инась,  
Лихорадка көсйис вины.

Коді негрлысь сёйліс вынъяс  
Нэмыс нартитчис, эз кынмав,  
Сійөс вөтлім бипур тшыннас!

Мөд со кодкө ветліс синтөм.  
Разим синъяс вывсьыс бинтсө —  
Отув веськыд туйсө индім!

Ас муыввса озыръясыс  
Сійөс пөръявлісны дасысь,  
На дор оліс мед быд часын.

Коді синмө койө буссө,  
Сійөс асьсө изам бусө —  
Йёзөс нартитөм мед кусө!

Коймөд — некор дзик эз нюмъёвт:  
Сола ва, көть сё көш гумовт,  
Сійё некор оз ло юмов.

Куба вывса сакар пуьсь  
Нэм чөж тадзи чайсё юис:  
Сійёс кедзовтліс «ас муьс».

Онi видзөдлыны любө:  
Озыръясысь мездмөм Куба  
Важ моз чайсё оз ю дубөн.

Коді оз төд тільсьөм-мырсьөм,  
Чай мед юас тростник кырсьөн,  
Йөз щөт весьтө зеп оз тырсьөд!

Коді ядсё көдзё мирё,  
Йөзёс сёйны пиньсё йирё —  
Тодмышкалам ми став мирөн!

Тырмас ыджыдавыны сьөмөн.  
Уджлы властьсё! Уджлы сөмын.  
Вынным миян — өтувтчөмын!

## МЕДЫЛІ КОДЗУЛӖДЗ

Му вылӖ, код тӖдас, лӗкысь-ӧ, бурысь  
Космосыд уна нин шыблавліс из.  
Ӧні сэн сы мында зарниа вурыс —  
Уна дас спутниклӧн котралан визь.

Быдӧн нин тӖдӧны: абу ми лӗк йӖз,  
Оз дӖзмӖд миянӧс тӖлыся вой,  
Любӧ, кор радлӧны Мунымлӧн вокъяс,  
СыкӖд кор синмасьӧ космосса чой.

Ми пӖвстысь кодӧскӧ примитас ТӖлысь,  
Ми пӖвстысь кодлыкӧ мойвиас шуд.  
Серконым ТӖлысьтӧ увтлывлӧ вӖлі —  
Ас морт кӧ лоас сэн, увтны оз кут.

Подӧн ми муртавлім кымын кузь вӖлӧк,  
Ӧні машинанад — коскад оз суй.  
Тадзнад кӧ, вай жӧ планетаяс пӖлӧн  
Медылі кодзулӖдз писькӧдам туй!

## ВЫЛЬ ЭРАЛӨН ПЕРВОЙ ЛУН

Морт — космосын! Морт лэббө сәтi!  
Странаным стартсө сылы сетіс.  
Быд кодзув восьтіс семафор:  
Лэб, төвзы! Лэб, советскöй морт!

Ме шуда тшөтш! Ме дырйи муніс  
Выль эра восьтысь тайö луныс,  
Кор кодзувъясянь, кызд көть шу,  
Кык пөв нин матын лои Му.

Көть космос оз төд пом ни, дор ни,  
Ми сәсянь кылім төдса сёрни:  
Сэн медводз шыаліс роч кыв,  
Роч мортлөн юргис сыланкыв.

И муö лэччытөдз на сійö  
Быд мамлы лои дона пиён,  
И сылысь повтөмлун да сям  
Оз вунөд нэм Отчизна-мам.

Быд сиктын кыліс, дзик быд карын:  
Тэ миян зарни пи, Гагарин!  
Но, таысь кындзи, шуам ми:  
Тэ тшөтш Вселеннöйыслөн пи!



Став мирыс миллиардъяс киён  
Ас думнас сывйыштліс тшөтш сійөс,  
Сөветскöй мортсö, кодлөн ним,  
Яр кодзув моз жö, нэм оз сім!

## КЫВБУРЛЫ

Кывбурой, соястө шенышт!  
Тадзнад өд шуасны тэныд:  
Абу пө миянлы пөв,  
Тэ кодъыд эз пө-й мед вөв.

Пет вай да йөзыскөд уджав!  
Төда ме, сосъяс кө пуджан,  
Мортъямман пырысьтөм-пыр,  
Вынйөрөн век лоан тыр

Уджалан — көть и он горав —  
Унаос кыскан ас дорад:  
Уджалысь мортыд өд, зон,  
Медся на муса да ён.



Унджык бур вӧчны горшась,  
Татшӧмторйыс ӧд бур.  
Горшлунлы тасась горшас,  
Век кежлӧ вомсӧ вур.

Весь овны — ло пыр дышӧн,  
Таысь некод оз вид.  
Ачyd, аддзан кӧ дышӧс,  
Дышлунсӧ пычӧд, жмит.

Мӧд вӧсна ловнад вись тӧ,  
Татшӧмыд — збыльысь морт.  
Кодкӧ кӧ няргӧ висьтӧг,  
Няrlунсӧ биӧн сот.

Дзуртӧ станокыд — мавт тӧ,  
Мавтгӧгыд тан оз позь.  
Кодкӧ кӧ кывнас мавтӧ,  
Мавтассӧ мырдды, босьт.

Лӧкторйыс эм на уна,  
Бус кодьӧдз найӧс из,  
Медым вермим ми шуны:  
— Чолӧм тӧд, Коммунизм!

## ОТСӖГ

Лыдди ді вылысь кызь кӧчӧс.  
Аслам сьӧлӧмӧй мый вӧчӧ!  
Дыс еджыд, быттьӧ лым,  
Сӧмын лыйлы — гым да гым!  
Онӧ Микул кӧ, кызь кӧчысь  
Кызь дворец, дерт, эськӧ «вӧчис».  
Ме эг лӧпты сэтшӧм шум —  
Юрын вӧлі дзик мӧд дум.  
Ставнысӧ ме пыжӧ лӧді,  
Шуи:— Эн нин йӧрмӧй мӧдысь!  
Кыла энълы шӧпкӧ ай:  
— Тайӧ абу-ӧ Мазай?  
— Синтӧммӧмыд тай нӧ, трустӧ!  
Мортыс тоштӧм, весиг устӧм...  
Воим расӧ.  
— Кӧчьяс, чеччӧй!  
Ручлы, кӧинлы эн сетчӧй.  
Йӧрмӧм войтырлы быд часӧ  
Сетны отсӧгтӧ ми дасьӧсь.



Строй бõрся вoсьлалiс комбат  
И нюмьялигтыр шуис сийõ:  
— Код быдтõ ме моз, кутшõм бать,  
Сы мында мамлысь дoна пиõс?

Пыр водзõ муно батальон,  
Сы улын сыркакылõ муис.  
Эк, нывъяс, тõданныд-õ, он,  
Тан тiян кымын верõспуис?

И бара нюмдiс командир:  
«Ён, зумид, дружнõй миян вoськов!  
Но медся донаторыйс мир  
И кутам овны пиньтõг-кoсьтõг».

\* \* \*

Эжва дорё бара лэччи  
Ии кылаландор.  
Төв пö тулыслы оз сетчы,  
Налён мунö спор.

Аддзис менö — збоймис тулыс.  
Другъяс ськөд ми!  
Кыксьыд повзис төв и куліс,  
Мөдіс кывтны йи.

Мукөдъяскөд мем, том зонлы,  
Сюрліс көдзыдтор!  
Йиас пөвстті корсьны Донлысь  
Мөдар берег дор.

Кымын юысь йиас жуглім  
Врагөс вөтліг ми!  
Сы пыдди жö уна друглысь  
Кутлім шоньд ки.

Көні другъяс, көні тулыс —  
Йиысь морт оз пов.  
Некор васö мирной юлысь  
Гудыртны оз ков!



Мудзлан, бой бõрын õшõдлан юртõ,  
Ёртыд тõждысьõ:— Перйышт вай нуртõ!  
Сэк жõ локтас «Катюшакõд» Блантер —  
Роктõ помавтõг энвтан паньтõ.

Съывны босьтчан, а съыланкыв орõ,  
Бара тõвзян орудие дорõ.  
Тэнõ могыд кõ чуксалõ бойõ,  
Кутшõм съылõм нин, кутшõм нин сёйõм!

«Съылан миянысь некор оз кольччы,—  
Думсьыс нюмъялõ том миномётчик.—  
Со тай ачыс «Катюшаным», кылõ,  
Гу выв съыланкыв врагъяслы съылõ!»

Тайõ колис нин уна во сайõ,  
Либõ мыйла нõ казътывны тайõс?  
Мед не помавтõг съыланõс кольны,  
Тшõктõ сьõлõмõй та йылысь дольны.

## СИКТӨ ВОИСНЫ НЁЛЬ ЗОН

Сиктө воисны нёль зон:  
Быдөн аслас частьясысь.  
Быдөн мича, быдөн ён,  
Ставлён лөсьыд статьясныс.

Вот и бөрйы, код медбур,  
Коді медся удалыс!  
Сэтшөмыд, дерт, мен оз сюр,  
Сюрас ыджыд шудалы!

Мыйён лёк артиллерист?  
Сөмын вывті кузьджык тай!  
Сюсьнас сюсь, но том танкист,  
Гашкө-й, сысь сюсьджык на?

Некодсө эг слөймы... Эк!  
Мый бара ме кери-а?  
Бытьё збыльысь вошти сэк  
Танк да-й артиллерия.

Эз мен вичмы и матрос  
Морскöй сола ва көрнас.  
Мөд ныв динө, сиргаг моз,  
Домасьёма якөрнас.



Том связисткөд кольём рыт  
Орөдісны йитөдөс.  
Сідзкө, меным лоө быть  
Виччысьлыны витөдөс.

## КИЯС ЙЫЛЫСЬ

Сэтшөм нин му вылын олөмным миян:  
Унаысь ковмывлө кутлыны кияс.  
Отылысь мудзтөдзыд тракөдан — дыр,  
Мөдлысь жө босьтлан, и эновтан пыр.

Быд сикас кияс на эмось, зон, другъяс,  
Отияс — дорёны тракторлы плугъяс;  
Мөдъяс — оз бергөдны мөдарө жель;  
Коймөдъяс — кузь лунтыр гудйёны пель.

Отилөн кияс вель керкаяс лэптө,  
Мөдлөн со тэрмасьö пырны йөз зептө.  
Мый сэтшөм кисьыд, коть сийө-й и кузь,  
Некор кө удж вылын оз төдлы мудз?

Этша зев мукөдлөн артмө ки помысь,  
Сэтшөмлөн ки пыдди мудзлывлө вомыс.  
Коді жө нэм чөжыс уджалө чөв,  
Сийө и миянлы дона сё пөв!

Му вылын тайөс ме быдөнлы сиа:  
Киө эз сюрны мед удж төдтөм кияс

## ТУВСОВЪЯ

Гулысын гажтөм уджтөг,  
Мыркигөн — шог оз сулы.  
Ар кежлө шудсө чужтө  
Мунымлы миян тулыс.

Весь сійөс он тай пукөд,  
Сьөкыдысь оз куж повны.  
Этатшөм кыпыд здукө  
Верман мөй уджтөг овны?

Аддзанныд, пашкыр ягыс  
Гоньгөдіс вывлань юрсө.  
Морт киын — тэрыб багыр.  
Бисерөн чардби вурсьө

Муркөдчө Сыктыв юным,  
Радысла сьөртыс бөрдө.  
Кылөдчысь — нинөм шуны —  
Дышлунла оз жө гөрдөд.

Ыб вомөн трактор варччө,  
Шөралө быттьө көрыш.  
Өні нин кылө татчөдз  
Няньыслөн чөскыд көрыс.

## ШОНЫД ЗЭР

Струнаяс зэвтис шоныд зэр:  
Көть ворсөмыс оз чуймөд пельтө,  
Ми зэрөс таысь огö эльтöй...  
Мед мувыв быдмөгыс эз кельдөд,  
Тэ прысьйы, ворс да буртор кер,  
Лун мусянь воём шоныд зэр!

Ми дыр нин дзоргим енэжлань,  
И виччысьөмла вөлим мудзөсь.  
А воин кө, пөсь мусö судзөд,  
Оз усь мед шогö буссьөм рудзөг,  
Мед быдся пуктас, быдся нянь  
Том ичмонь моз жö кисьмас шань!

Со весиг менам дзоля пи  
Тшөтш радлө, тэныд кекöначө,  
Ва гөпъяс вомөн ветлө скачөн,  
Сы гөгөр ваыс резсьө-качө,  
Но чиршөдлыны оз лыб ки,—  
Бур зэрлы ставөн радөсь ми!

Му дуньгис-юис рушку тыр,  
Эз кольны пайтөг яг ни егыр.

Дзонь час чөж кисьтис. Сэссия регыд  
Ю весьтө сизим рёма мегыр  
Тан кусыньтис, вын видлігтыр,  
Яр шонді, югыд багатыр.

И ньөжмыд воськовъясөн зэр  
Ас кокнас вуджис мөдлапөлө  
Да джуджыд парма вылө сөліс.  
А мулөн бурмис ыджыд сьөлөм  
И сійө шуис:— Агтьө, зэр,  
Тэ быдлаын тадз буртор кер!

## ЕЩО ТАРАС ЙЫЛЫСЬ

Өні Дандор сиктөд рытыд  
Оз төд прөйдитнысө кыті:  
Югыд чутьяс сюръя йылын  
Сёөн вильшасьёны сылы.

Войдөр, рыт кор таті муңліс,  
Йёзёс личкыліс нин унмыс.  
Быттьө мөд йёз танёсь өні —  
Весиг войын лыддысьёны.

Талун важмөм төлысь-пыдөс  
Сюрсө дзебөма зэв пыдө.  
Сійө ассьыс эзысь гыррдза  
Войшөр бөрын сөмын мыччас.

Тарас гозья, пиыс, моньыс  
Вунөдөмны рытъя оньыш,  
Варов сёрнинаныс найө  
Каттысьёны төлысь сайө.

— Варук, кылан тэ, бур мортөй,  
Мыйла ме эг мун курортө?  
Кута мунны сэтшөм ылө,  
Матынджык кор төлысь вылө.

Буретш тайё сёрни кості  
Кодкё кайис кильчё пості.  
Пырис Демид — дедлөн вокыс.  
Тарас шуис: — Локыв, локыв!

Кыз нин овлан, мый нин бурыс?  
Торфтё ньёжйё перьян нюрысь!  
Демид пойгё:— Сёйис рёкыс...  
Сэні, Тарас, зэв мен сьёкыд.

— Тэ и ачyd абу кокныд.  
Бур, мый кадын слёймин локны!  
Вот-вот виччыся ракета,  
Мыйён воас — туйё петам.

Тан тэ сьёкыдыдла кулан,  
Часлы, тёлысь вылөдз нула.  
Кызди висьталісны меным,  
Квайт пөв кокнямман тэ сэні.

Весь пё, шуан, посьой лэччө...  
Энлы, энлы, волан сэтчө,  
Оз кут тан моз пуны гыркыд,  
Сэн пё, вокйё, вывті ыркыд!

Демид, кылө, ружёктылө,  
Киыс дрёжжитө нин сьлөн:  
«Тарас кытчө көсьяс, шуас,  
Он мын, сэтчө-й морттө нуас!»

Дөзмис Варук:— Ёна сөр сэн!  
Кыз нё көсьян локны бөрсө?  
Пыжтөг он во мөдлапөлысь,  
Төдан кө өд — сійё тёлысь!

— Нырад тшуп, эн вунөд тайёс,  
Сюзь Матвей кө лэччис райысь,

Тарас вёсна нинём повны,  
Абу йй — сэн ог кут овны!

Кор ме вөрзя тёлысь вывсянь,  
Вёлі ломтёма мед пывсян!  
Рёд ог пөръясь — ме кё шуи,  
Некор дзик ог янса в муысь.

Ставлён киссис гыльд серам,  
Демид ётнасён эз серав.  
Быдсён йирмөг лои сылы,  
Коть эз вёв на тёлысь вылын.



## КЫВЗЫ, ГОЖӨМ-ГОЖӨМӨЙ...

Кывзы, гожөм-гожөмөй,  
Сирзёд вөрса пожөмс.  
Нылөс, зонмөс кисьмөд тэ,  
Сөмын сёлөм висьмөдтөг.

Гожөм, гожөм! Кылан-ө?  
Ышөд муса ныланөс,  
Медым турун пуктигөн  
Быд лун садьмис югдигөн.

Төда, вөтнас, вемөснас  
Төждысьө пыр ме вөсна.  
Висьтав сылы: Армия  
Ставсьыс медся яр миян.

Туйсө ог сет войналы,  
Мед не лоны шойналы.  
Вөрөг вылө лёкала,  
Нылөс тасянь окала.

Сёлөм бурмө со мыйөн:  
Эм өд менам Комиын  
Дышлысь боксө дзижалысь,  
Юөръяс мем гижалысь.

Менам кисьмысь озъянӧй,  
Тӧда, юрӧс оз янӧд.  
Виччысь тшӧтш тэ, гожӧмӧй,  
Кӧлысьным оз ло жӧ мӧй?

Лоас, лоас! Виччысь тэ.  
Дерт, оз артмы виччысьтӧг.  
Кодыр кутам гӧтрасьны,  
Гожӧм, ёна пӧртмась тэ!

Кывзы, кывзы, гожӧмӧй,  
Сирзьӧд вӧрса пожӧмӧс.  
Нылӧс, зонмӧс кисьмӧд тэ,  
Сӧмын сьӧлӧм висьмӧдтӧг.



Недель нёрыс йылын  
Виччыся ме нылös:  
Карысь курсъяс вылысь  
Воан кад нин сёлөн.  
Туис-ямис куръя,  
Кывтіс кымын пуръя!  
Ме тай нёрыс йылын,  
Бытьё ловъя сюръя.

Мися, он на пышъяв!  
Зептын — козин чышъян.  
Қарса вылө ыштан,  
Коркө асьтө мыждан.  
Куө эг кут тёрны,  
Колө муяс гөрны,  
Ышнясь, мися, ышнясь,—  
Ок, и ёна скөрми!

Кайи муяс вылө,  
Трактор мырсьö, кылö,  
Видзöда — сэн нылöй...  
Эштис олөм-вылөм!

Синмас лӧглун сотчӧ,  
Эз сувт мекӧд орччӧн.  
Кӧть мед мусюр йылӧдз  
Вӧтча, ог ме кольччы.

## ПАМЕТЬЫС БУР

Батьыс Петровналы шуё:  
— Зэрис дыр нин, ваыс туё.  
Пыжтё эськё мед оз кылөд,  
Видзөдлывлы пыжыд вылө.

Первой пажнайтыштам öнi,  
Ноко, йöв тунсыд көнi?..  
Визув паныдыд кызы версттö  
Катан да — көть эськө-й верстьö —

Быть на перйы кынём нуртö,  
Сейтөг кузы туйтö он муртав.  
Топыдакодь сейём бöрын  
Батьыс горөдiс зэв скöрысь:

— Кылалёма тай нö пыжыд!  
Петыр нюмдiс:— Ок тэ, выжыв.  
Пыжыд (валы он вöч иган)  
Кылалiс нин пажнайтiгад.

## ШОНДІКӨД СЁРНИ

Войнадырсяысь

Садьмис ставсьыс водз наводчик,  
Шутлив зон — Иван Смирнов.  
— Бара,— шуё,— час-мөд шойччи,  
Важкодь лои ён, здоров!  
Сэк жё плешсё мыччис Шонді.  
— А-а!— шыасис Смирнов.—  
Мый нө, петны кө нин пондін,  
Пет вай смелджыка, эн пов!  
Эн пов, Абу ме зенитчик.  
Мый сідз дзорган, эн мөй төд?  
Мый сідз му бердас тэ жмитчан?  
Волю, висьтала кыв-мөд.  
Мый ме шуа, сійё только  
Миян костын коляс мед.  
Лок служитны миян полкө,  
Уджыс тшөтш и вичмас тэд.  
Тэысь бур корректировщик  
Некысь му вылысь оз сюр  
Тэ нин аддзан көн да корджык  
Врагъяс кыпөдасны юр.  
Оз ков тэд бинокль ни карта,  
Ки пыдөсын моз став мир.  
Дыр он корсьысь, дыр он артась —

Тодса быд ориентир.  
Сөмын мигнит: «Цельыс со пö!»—  
Лэптас юрсö пушка ствол.  
Сэки враглөн любöй ДЗОТ-ö  
Тэкöд кутам суйны «гол».  
И войнасö сюям гуö.  
Збыль ме шуа — сийö факт!  
Тэ он верит, кöнкö, шуан:  
«Вот пö тайö и чудак!»  
Ак, кыз торкисны Иванöс!  
Батареяын подъям.  
Нель-вит пушка враглы паныд  
Жергöдiсны пиньтöм вом.  
И наводчик тэрыб киөн  
Öдийö бергöдлiс прицел:  
«О-о!— аслыс кайтiс сийö,—  
Тайö Шондi индiс цель!»






ЭЛЕНА

ЭЛЕНА

(ноэма)





Мустём важ мирыс эз нин чиктив,  
Дась нянь сёйысьлөн чеги пинь,  
Сэк жё Войвывса öти сиктын  
Öзйис виль мортлөн кодзув кинь.  
Мортлөн олöмыс көть и джуджыд,  
Овлö гудыр и овлö сöдз.  
Овны-вывны кө, пиöй, чужин,  
Быть ов. Шудтö көть «нуас көч».  
Кодкө горзö мем:— Збоя лолав!  
Тэ, зон, абу-ö пессимист!..  
Другöй, весьшөрö водзвыв полан,  
Чайтан шуштём зэв лоас висьт.  
Мукöд мортыс тай олö-вылö;  
Тэ кө юалан, шудыс көн,  
Тешкодь воча кыв чуктас сьлөн:  
— Сыкөд янсали, пиöй, төн.  
Коді Войвылын чужысь пиыс,  
Тöдны көсьян кө, мунам, лок!  
Мортыс шуда көть шудтём — сійöс  
Кутан радейтны, муса вок.

Өні вензыны абу кадыс,  
Талун быдөнлы шудсө си.  
Ачыс дявөлыс петөм адысь,  
Мусө нылыштас, он кө ви.

Муным öзйөма, ваным пуө.  
Унджык повтөмлун сьөрсьыд босьт!  
Сэтчө мянөс туйыс нуө,  
Көні вөвлытөм ыджыд кось.  
Эм өд Вой море и Лун море.  
Костныс ыджыд-ө, төдан он?  
Өти моресянь мөдыс дорөдз  
Мулөн вежтасыс донсьыс-дон.  
Сэтчө нюжөдчөм биа сикөтш,  
Кодлөн моль пыдди — сотчысь кар.  
Гожөм янсөдис мамөс пикөд,  
Локны зонмысла сёрмис ар.  
Кылан? Кок улад муыс вөрө,  
Прысьсё свинеча, көрта зэр.  
Горзө сьөлөмыд:— Пөрөд, пөрөд!  
Медым чергыяс вельмөм зверь.  
Көть и сьөлалө билы биыс,  
Көртлы паныдөн шковгө көрт,—  
Кодкө пласькысис мян пиысь...  
Коньөр мамьясла быть на бөрд!  
Кодкө кыпөдчө, кодкө водө.  
Сөмын аддзөны Львов и Брест,  
Кыдзи быд часын содө-й и содө  
Пеж фашистьяслөн гу выв крест.  
Морт мөй лыйсьысьыс эз коль мян?  
Көн пехотаным? Көні ДОТ?  
Өні өшөдан-лэдзан кияс —  
Страклы кабырас шедас морт.  
Фронтлөн визьыс өд рытиввылын.  
Өні-й лунвывсянь — йирк да йирк!

«Кодлөн пушкаыс? Миян? Сылөн?» —  
Чуймис-думыштчис командир.  
Миномётчикъяс. Йёзыс китыр.  
Зэлөд сідзи нин зэвтчөм сөн!  
Оз сод йёзыс, көть лыдды витысь —  
Вөрөг оз лыддысь тайён скөн!  
Мед но! На пиысь быдён би!  
Накөд жө вөлі-й төдтөм пи,  
Коді Войвылын чужис, сиктын,  
Кодыр важ мирыс эз нин чиктыв.  
Но и ниа жө! Но и мыгөр!  
Полкысь сэтшөмыс оз сюр мөд.  
Өткөн вермасыны көсьян сыкөд —  
Вынтө кык пөвстав: сідзи-й төд!  
— Босьтан кык мортөс, ветлан сылань,—  
Индіс «ниалы» командир,—  
Кодъяс сэтөнөсь. Сөмын, кылан?  
Ковтөг эн вошты ним ни вир.  
— Дзик пыр мөдөдчам. Ассиян шуа:  
Ме нин воштылі ассьым ним...  
— Чөрту! Сёрнисө тайөс гуав,  
Туйтөм көртсө мед сёяс сім!  
Зонмыс думыштчис: «Гашкө-й тадзи,  
Мыйла парсавны косьмөм лөм?  
Сійө гылалас тані ачыс...  
Век көть киссьытөм гачтө дөм!»  
Нель верст сайын пө Ыджыд хутор.  
«Ыджыд хуторыд уна эм!  
Збыль мөй батыльысь мырддьөм мугор  
Талун таявны ковмас мем?  
Гашкө-й баты муөй абу татөн,  
Мыйөн төдан өд — гашкө-й тан?  
Ыджыд хуторысь менсьым батыөс  
Коркө вөтлылөм озыр пан.  
Панөс олөмыс виис-ёрис,

Татчö ёрсянкыв кыз он шу!  
Мамыс — Комиысь. Сэни-й чужліс,  
Кöні лöзалö парма-вөр.  
Кöрсö тöдмавліс сьöкыд уджлысь,  
Талун — олöмыс бара скөр.

Кодыр Рöдина ассьыд доръян,  
Дугдö висьöмысь важъя дой,  
Весиг чусмöны гырысьторъяс —  
Врагöс лöкшитан лун и вой.  
Быттьö сотчöма важыс — шом нин,  
Гашкö-й пöимыс оз нин сюр?  
Сöмын эн вунöд, тайöс помнит:  
Медлөк кöиныс мед оз пур.  
Сэк жö öти мөвп кортөг пырö,  
Кöть и вөтлылан — он на мын:  
Мыйла миянöс вөрөг зырö,  
Збыль мöй ми дорысь унджык вын?  
Тайö мөвпыс жö кыскö мөдöс:  
Эз мöй синсьыным петав би?  
Вояс эз вöвны миян сьödöсь...  
Збыль мöй кодлөнкö торкліс ки?  
Морттö, пескöс моз, дерт, он поткөд,  
Оз тай öтиысь артмы кык.  
Сідзкö, мыйла нö мөд морт кодкö  
Олö сы пытшкын, панö зык?  
Он кöть кöсйы да, быть тай ыдъясь:  
Мортыс вöлі кор томсьыс том,  
Горшас сатшлісны чорыд кыдъяс —  
Он тай лөк йöзлысь тупкы вом.  
Эз мöй радейтны зонмыс босьтчыв?  
Эз мöй кыв водзын вежавидз?  
Тувсов дзоридз моз сьөлөм воссис —  
Тайö важысянь вöвлөм сідз.  
Муслун! Донай! Донав, донав!

Олём дыш вёв моз мед оз дуд.  
Кутам кывны ми уна во на:  
— Тэныд, радейтчём, ыджыд шуд!  
Энлөй! Кык костё сүйсьё коймөд,  
Вылын ныра зэв — тшапсыс-тшап:  
«Одер, сулавлы! Дойман, дойман!  
Тэнсьыд ректам ми книга шкап...» —  
Гусьён грёзитчис Елесь Васька,—  
«Муса» Капаыд тэд оз шед.  
Водзё Одерлөн рөд оз паськав —  
Регыд петкөдла тайёс тэд».  
Васька пасьтасьё важсьыс тшапа —  
Өтнас оз казаяв тайёс ныв.  
Да и пельтёммис миян Капа,  
Оз кыв Васькалысь «мелі» кыв.  
Нылыс ышмөмла войт эз вирдав,  
Зоньяс бөрся эз котрав син.  
Елесь Васькаыд вөлі сир гаг,  
Кызди шуласны, сирлөн пинь.  
Артмис куима пельёс — ёсь:  
Тадзи радейтчём частё дурлө,  
Восьсөн, тупкөсөн пестё кось,  
Томьяс пыдди сэк узылө юрлөс.  
Со и сёрнияс:— Тешкодътор!  
Пёрысь Одерыс, чайтад, коді?  
Сійё сулавлём белөй дор!  
— Ыджыд дивө тай! Вот и, вот и...  
— Пиыс сэтшөм жө. Важлань синө.  
Сылөн книга эм — сьөдсьыс-сьөд.  
Книга гижысьсё пемыдінө  
Важөн йөртөм нин. Оз кө төд!  
Да өд төдө и век жө лыддьө.  
— Мый нө видзөдал, онө мырддьөй?  
— Комсомольцылөн секретарь!  
Медся ыджыд и медся яр.

Мишсö тöдан тэ? Купеч пи!  
Öтнас примитіс комсомолö.  
Колö кöртавны сылысь ки,  
Пемыд чуланö йöртны колö!..  
Быдся дивöйс тöрас лöжад!  
Бытьö мойдвывса вöв — дай пом.  
Зарни бурыся, эзысь бöжа.  
Оз шед кутнысö — эн корсь дом.  
Кылан, суклясьысь? Тырмас сöрны.  
Потан-пасьмунан, тыртöм тшан!  
Пöрысь Одерыд кужліс гөрны,  
Сійöс судитліс озыр пан.  
Комын во сайын воис ссыльнöй,  
Кодöс примитіс Чоййыв грезд.  
Тані кöсйöмыс сылөн збыльмис,  
Тані голь йöзкөд перйис мезд...  
Томджык Одерлы ковмис муны.  
Дас пöв кöдзыдджык вöлі тöv.  
Збыль мöй томлунлы йирö сунны?  
Ак тэ, суклясьöм! Чöрт кок пöv!..  
Гоз-мөд строчкаөн, кöть и кöсьян,  
Нель во муртавны оз тай позь!  
Но и тэнад тшöтш шудыд öзьяс,  
Морт кö эновтö мустөм поз.  
Кодкö Одерлы, кылö, шуис:  
— Прöста кöрпитін. Ачыд йöй.  
Мездмин. Тэ водзын восьса туйыс,  
Мун да, вөрөгöс пөттөдз нöйт.  
Бара ордымыс эз ну гортас,  
Ылын тыдаліс биа туй.  
Петіс талаявны сылысь сёртас,  
Весиг питшөгас нянь эз сүй.  
Асьныс петісны клятва кывьяс:  
— Дона Комиöй, чужан яг!  
Смертьыс босьтас кöть кöдзыд сывьяс,



Тэнö, Рöдина, оз вен враг.  
Статя пожöмъяс, чим веж козъяс,  
Кылан, дзор юра ниа-пöч?  
Мед оз шогсыны пöрысь гозъя,  
Ог нин ай-мамлы шогсö вöч.

Ыджыд фронт вылын ыджыд страдна.  
Пыр на косасö кеслö смерть.  
Мед кöть шойяссиянь петысь яднас  
Аслыд джагавны ковмас тэд!  
Огö ен нимсянь вöзйö тайöс,  
Оз лок фронт вылö полысь ен.  
Мöдар югыдö ог жö кайö —  
Тадзнад вөрöгöс он и вен!  
Бара сёлати поті сынöd.  
Ставыс крöшитчö — из и кöрт.  
Недруг вальмалö-локтö вынөн,  
Чорыд броняö дзевсьöм чöрт.  
Коркö-й потласяс уклад кучик,  
Коркö-й ставсьыс на мынтас дон!  
Видзöd, видзödлы! Подйыс судзис —  
Аслас шойясөн посйис сён.  
Кодкö тыдавтöм удал киөн,  
Бытьö личöдис фронтлысь вöнь.  
Шуштöм, сьökыд дум тэнö виö:  
Мыйла гөгöрбок чöv да лöнь?  
Мортыд быдлаын мортөн кольö,  
Думыд бытьöккö сира гез.  
Одер мыссыны лэччö ёльö,  
Сувтö син водзас Чоййыв грезд.  
Первой муслуныс «кувсис» лёка.  
Сылысь томлунсö дзугис Вась.  
«Гашкö-й сьөлöмыс сылөн кокас?  
Дерт нин — мортöс кö сёйны дась!»  
Бöрдтöм кага кодъ вöли авъя

Тайö виччысьтөг лөньөм здук:  
«Чужан муад кодь ыркыд давъяс,—  
Сійö шөпкөдіс,— пукышт, друг».  
Одер пукалө асшөр думөн:  
Көнкө багы-мамыс, тани — пи.  
Кильлань гаргыштчө еджыд сюмөд —  
Он өд ас йөзлы лектор си.  
«Төда, бергөдчас рытыв төлыс,  
Тэныд бушковыс кучкас, враг!  
Миян төв йылын, кыдзи-й вөлі,  
Кутас шпоргыны чим гөрд флаг».  
Рытнас, немвөчиг, көть и сёр нин,  
Кодыр дубалі лунся мудз,  
Ёрта-ёрт костын панөм сёрни,  
Рытъя вуджөрысь вөлі кузь.  
Кодкө шыасис:— Кылан, Збодер?  
Аслад олөмысь мыйкө мойд.  
Одер ышловзис: «Челядь кодь өд!  
Көть нин этадзсө тэ эн дойд».  
— Тшөктам! Висьталышт! Тшөктам, тшөктам!  
Мыйла пыксыны тэныд тадз?  
Одер кыпөдліс ассьыс сьökта:  
— Тайö мый нө нин? Вель приказ?  
Төда, мукөдыс вывті азым,  
Гашкө-й сэтшөмыс тани эм?  
Туйтөм, ненога, стрөг приказыд  
Менсьым оз вөрзөд лы ни вем.  
Вынөй пуө на, эз на пактав,  
Көть и кисьті нин сизим пось.  
Коркө стрөитлім нефтешахта —  
Мортыд удж вылад абу гөсть.  
Мыйыс эз вөвлы миян костын!  
Мусө розьөдлан — шырсьыс-шыр.  
Карьяс бур йөзкөд тшөтш ми восьтім:  
Кымын керка сэн! Кымын жыр!

Эг босьт кывъяссö кыськö зептысь,  
Абу кутшöмкö ылöгпоз.  
Кöть и Войвылын уна нефтьыс,—  
Он на гумлав тай ваёс моз...  
...Вөрöг дугöдiс ассьыс лыйсьöм:  
Весиг оз вöчлы дуб ни дэб.  
Эз на дявöллөн чирссьы лы-сьöм!  
Мыйкö миянысь оз-ö дзеб?  
Мися, сiдзи да. Сiдзи-й вöлöм.  
Войнас шыасис кыкнан флаг:  
Миян тылланыö кык сён пöлөн  
Пырис код тöдö кымын танк!  
Мустöм гöсть кодь жö шуштöм часыд,  
Корöм-чукöстöм оз тай ков.  
Муртса серössис букыд асыв,  
Мышкын муралiс: «Меысь пов!»  
Вомсö паськöдiс уклад клещи,  
Видлас топöдны гөгөрбок.  
Кытчöдз ловъяёсь, дзоньёсь ещö,  
Сьöлöм, ас вылад эн босьт шог!  
Тулö Эжваным, Сыктыв тулö,  
Мортöс оз венлы ыत्या ва.  
Дi выв кöчьяс моз ог жö кулöй —  
Эм öд партия! Эм Москва!  
Эм и Рöдина! Сийö эм на,  
Мыччас миянлы вына ки:  
Лёкысь кедзөвтны некор нэмнас  
Эз на сетчывлы сьлөн пи.  
Быдөн мурталö ёрта-ёртсö:  
Могыс абу öд кыйкы ур.  
Дзонь дивизия танi ёрччö,  
Ставлөн петан туй корсьö юр...  
Сутки суткиöс ньöжйö вежö,  
Ыли муясö пышйис ун.  
Тыртöм кынöмлөн тыртöм вежөр —

Оз тѳд некутшѳм сѳѳкыдлун.  
Миномѳтчикѳяс. Батарея.  
Ставѳн корсѳѳмны шондѳ сай.  
Мый оз лыйсыны? «Апогея»  
Талун минаяс эз нин вай.  
«Апогея» дай, коньѳр-вѳлѳй,  
Тѳнѳ бурыйс, дерт, он жѳ ви!  
Он тай тшыглунтѳ велѳд-ѳлѳд —  
Весиг тѳ вылѳ лыбас ки...  
Бытѳѳ бур юѳр вайис пѳтка,  
Гѳгѳр шыалис:— Орис кытш!  
Ставѳн ѳтпырѳѳ он на йѳткась,  
Он на чеччав зѳв — абу пытш.  
— Вѳвтѳ сѳйим ми.— Командирныс  
Гѳгѳр видзѳдліс. Вѳчны нем.—  
ѳні гырджзатѳ ковмас йирны.—  
Сылѳн синкымыс лоліс тшем...  
— Кыскам ас вылын миномѳтсѳ.  
Мѳд туй абу, дай оз и ло...  
Одер йѳз сайсянь петіс ортсѳ:  
— Ноко, ѳртѳясѳй, видлам. Но!..  
Тані выль карѳяс, дерт, он восьты,  
Сѳмын зѳлѳдліс морѳс куд:  
Миномѳтыдлысь стволсѳ босѳтіс,  
Сѳсся нѳбаліс дзонь квайт пуд.  
Мед жѳ гѳрдитчѳ пинас парма!  
Татшѳм войтырыс, он кѳ торк,  
Коркѳ тѳчасны сѳтшѳм карѳяс —  
Весиг яналас Нью-Йорк...  
Помѳдз эз вермы стволсѳ нуны —  
Бѳр нин тупкыссис «коридор».  
— Кѳн нѳ, ылын-ѳ Ыджыд муным?..  
Эз нин вочавидз мортлы морт —  
Орчѳн жвачкысис враглѳн мина,  
Джѳмдіс Одерлѳн веськыд кок.

Стволыс гыпкысис-уси дінас,  
Мортыд казяліс — делё лёк.  
Бытьё енэжыс вылас сёліс,  
Гөгөр өшиньтём кыптіс стен.  
Бара ышмөма рытыв төлыс,  
Бытьё шуалё: «Плен, плен, плен!..»  
Рытыввывланё төвзё поезд,—  
Гөрд вагонъясё чунь оз төр,—  
Йөзладорын нин киньяс койё,  
Сьёлөм горөдлө: «Косөд бөр!»

Шуныгө Одер ю. Веськодъ сылы,  
Медтө кольоны лун да вой.  
Код нө арталас нөрыс йылысь,  
Кымын лөвтө сэн ловъя шой?  
Крематорийлысь зывөк чадсө  
Колө пөдтыны тэд и мем!  
Му выв войтырыс тайё адсө  
Кутас помнитны уна нэм.  
Том полячкаяс-коньёранъяс!  
Код нө сувтас тан тіян дор?  
Эм-ө му вылын, дона аньяс,  
Шойяс новлөмысь мустөмтор?  
Өти ловъя шой йитліс кывъяс:

— Понйыд... тешит... чис... эз и лый...

Сійөс кылісны польскөй нывъяс:

— Мый нө, сёшайтөй, шуин, мый?

— Кытысь лоан тэ? Нимыд кызди?

— Одер...— шөпнитіс кулысь морт.

Шойлысь лишнөй кыв он тай пыдзырт,

Шойлы, шулөмны, гу да горт.

Шензис медтом ныв аслыс ногөн:

— Эз жө казтышт өд Одер ю?

Сотны ог нуёй, нывъяс, огө!

Сылы татчө ми кодьям гу.

Нывъяс, со мый ме кӧсья шуны,  
Тӧдад? Одерыд — польскӧй ов...  
Татчӧдз, Одерӧдз миян муным —  
Зонлысь ас муас дзебам лов.  
Кутшӧм лӧсьидик зонмыс вӧлӧм,  
Весиг кулӧмнас эз кув мич.  
Кымын нывлысь нӧ дойдлин сьӧлӧм?  
Жаль зэв — ог тӧдӧй ним ни вич...  
Кӧть и вукӧдӧ йӧз му кӧрыд,  
Кыптис йӧз муын гу выв нӧрыс.  
Пиӧн шулисны мам и бать,  
Лоин — тӧдмавтӧм роч салдат.  
Эг ме, другъясӧй, траур пасътав.  
Тадзи, лыддысьысь, мем эн шу.  
Мирсӧ дорйыны став му пасъта  
Корӧ миянӧс кымын гу!  
Оз кут ыставны кыз му улӧ  
Дона юӧръяс муса ныв.  
Узь вай шы ни тӧв. Кыдзи-й шулин,  
Тӧвсӧ пӧльтӧ нин асыввыв.  
Позьӧ комиӧн, позьӧ рочӧн,  
Любӧй кывиӧн кӧть талун сыв.  
Став фронт пасътала:— Водзӧ, водзӧ!—  
Ӧтмоз юралӧ ӧти кыв.  
Бытьӧ ӧтпырӧ ставыс вӧрзис:  
Коми парма и кӧрт Урал.  
Вына гыяссӧ босьтӧм сьӧрсыйс,  
Локтӧм тышкасьны дзор Байкал.  
Ыджыд вермӧмсӧ пессӧ-дорӧ  
Аслас укладысь сталевар.  
Пывсян вӧдитысь врагӧс корӧ:  
— Эн мун пывсьытӧг. Тырмас жар!  
Вурсӧ вурсьысьлӧн пулемӧтыс,  
Биа сунисыс сьлӧн ӧн.  
Недруг мыльк сайӧ дзебсис-водис:

Тэ пö лёка тай вурсян, зон!  
Зырьён лёсьöдö «авансцена»  
Рольсö вежöма том актёр.  
Ставлён рöдвужыс: тэнад, менам  
Öнi вöчöны öтитор.  
Позьö комиён, рочён позьö,  
Любöй кывйён кöть талун сьыв.  
Став фронт пасьтала:— Водзö, водзö!—  
Öтмоз юралö öти кыв.

Одер ю дорын Одер узьö:  
Юкис шудлунсö тэд и мем.  
Сылён кулöмыс, кызди шусьö,  
Му выв олöмын олас нэм.  
Сэтшöм войтырöс миян пиысь,  
Чайта, коньөрөн морт оз шу.  
Кодъяс сотчисны ыджыд биын,  
Налы копрасьö чужан му.

## ГИЖОД НИМЪЯС

Морӧс тырӧн лолов, парма . . . . .	3
Куима кодзув . . . . .	5
Съездъяслӧн дворецын . . . . .	6
Ленинлы памятник . . . . .	8
Ас му йылысь . . . . .	13
Оз косьӧ пыр . . . . .	15
Қольӧм волы . . . . .	16
Спутникъяс . . . . .	17
Мыйӧн ми вынаӧсь . . . . .	19
Мед ылі кодзулӧдз . . . . .	21
Выль эралӧн первой лун . . . . .	22
Кывбурлы . . . . .	24
Унджык бур вӧчны горшась . . . . .	25
Отсӧг . . . . .	26
Строй бӧрся восьлаліс комбат . . . . .	27
Эжва дорӧ бара лӧччи . . . . .	28
Мудзлан, бой бӧрын ӧшӧдлан юртӧ . . . . .	29
Сиктӧ воисны нӧль зон . . . . .	30
Қияс йылысь . . . . .	32
Тувсовъя . . . . .	33
Шоньд зэр . . . . .	34
Ещӧ Тарас йылысь . . . . .	36
Қывзы, гожӧм-гожӧмӧй . . . . .	39
Недель нӧрыс йылын . . . . .	41
Паметьыс бур . . . . .	43
Шондікӧд сӧрни . . . . .	44
Ӧнiя элегия (поэма) . . . . .	49



Usta

9 коп.

КОМИ КНИЖНОЕ ИЗДАТЕЛЬСТВО 1965